



AKT THEMELIMI I SHOQËRISË ME PËRGJEGJËSI TË KUFIZUAR "AGIA 2004" SH.P.K.

Sot, më datë 22.4.2004 ne, të poshtëshënuarat:

- Znj. Alba Gina, qytetare shqiptare, lindur në Lushnje më 14.4.1977, me banim në Tiranë, ADA Tower, Rruga Dervish Hima, Tiranë dhe me numër letërnjoftimi n. 1262114 dhe
- Znj. Ines Ajdini, lindur në Tiranë, me 31.5.1973, me vendbanim në Tiranë, Rr. Hil Mosi, nr. 3, me pasaportë n. Z0782484;

në përputhje me Ligjin Nr. 7638, datë 14.12.1992, "Për Shoqëritë Tregtare" kemi themeluar "AGIA 2004" Sh.p.k. (më poshtë referuar si "Shoqëria"), duke nënshkruar këtë Akt Themelimi. Aktiviteti i kësaj Shoqërie do të rregullohet nga Statuti dhe Akti Themelimit.

Neni 1

Emri i Shoqërisë është "AGIA 2004" Sh.p.k.

Neni 2

Selia zyrtare e Shoqërisë ndodhet në ADA Tower, Rr. Dervish Hima, Tiranë.

Neni 3

- 3.1. Kohëzgjatja e aktivitetit të Shoqërisë do të jetë 10 (dhjete) vjet, duke filluar që prej datës së regjistrimit të saj në Rregjistrin e Shoqërive Tregtare të Gjykatës së Rrethit Tiranë dhe deri më 31.12.2014.
- 3.2. Shoqëria mund të përfundojë apo vihet në likuidim përpara këtij afati ose mund të zgjasë aktivitetin e saj me vendim të Asamblesë së Jashtëzakonshme të Ortakëve.

Neni 4

- 4.1 Shoqëria ka për objekt importimin dhe eksportimin, prodhimin, përpunimin, transformimin dhe tregtimin e mallrave dhe pajisjeve të ndryshme të konsumit, pajisjeve elektronike, materialeve të ndertimit dhe mallrave ushqimore. Shoqëria ka për objekt gjithashtu edhe ndertimin, dhe shitblerjen e pasurive të paluajtshme duke u pajisur me licensat e nevojshme për këto qëllime nga organet kompetente.
- 4.2. Për këto qëllime, Shoqëria mund të blejë, hyjë në marrëdhënie *leasing* dhe të marrë apo japë me qira terrene, impiante dhe uzina, mund të kryejë, përveç aktiviteteve tregtare edhe aktivitete si industriale ashtu edhe bujqësore.

[Signature]

Ines Ajdini

- 4.3. Për kryerjen e aktivitetit të saj, Shoqëria mund të kryejë çdo operacion tregtar, operacione që lidhen me pasuritë e luajtshme dhe të paluajtshme, financiare dhe kreditore si dhe të blejë apo shesë apo të marrë apo japë me qira pasuri, si dhe të ketë interesa apo pjesëmarrje në shoqëri, ente, konsorciume, të themeluara apo në themelim e sipër, që kanë një objekt të ngjashëm apo funksional në arritjen e qëllimeve të Shoqërisë, si dhe të ofrojë garanci, *fideiussione*, të marrë hua dhe ofrojë garanci, pasurore apo personale, në favor të të tretëve. Më në përgjithësi, Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të saj.

Neni 5

- 5.1. Kapitali themeltar i Shoqërisë është 120.000 (njëqind e njetzet mijë) lekë.
- 5.2. Kapitali themeltar është i përbërë nga 120 (njëqind) pjesë kapitali, të gjitha të nënshkruara dhe të paguara, me vlerën prej 1,000 (njëmijë) lekë secila.

Neni 6


- 6.1. Derdhja e kapitalit themeltar është bërë në mënyrën e mëposhtme:
- Alba Gina ka derdhur në para shumën prej 80,000 (tetedhjetemijë) lekë, me anë të depozitimit të saj pranë noteres Mimoza Sadushi, siç vërtetohet prej certifikatës datë 22.4.2004;
 - Ines Ajdini ka derdhur në para shumën prej 40,000 (dyzetmijë) lekë, me anë të depozitimit të saj pranë noteres Mimoza Sadushi, siç vërtetohet prej certifikatës datë 22.4.2004;
- 6.2. Sipas kontributeve të cituara:
- Znj. Alba Gina i takojnë 80 (tetedhjetë) pjesë kapitali, të barabarta me 2/3 e kapitalit themeltar;
 - Znj. Ines Ajdini i takojnë 40 (dyzet) pjesë kapitali, të barabarta me 1/3 të kapitalit themeltar.

Neni 7

Pjesët e kapitalit janë të transferueshme ndaj të tretëve tërësisht apo pjesërisht, sipas procedurave të parashikuara nga Neni 11 i Statutit.

Neni 8

- 8.1. Shoqëria administrohet nga 1 (një) Administrator, qoftë edhe jo ortak, i cili do të emërohet apo shkarkohet nga Asambleja e Zakonshme.
- 8.2. Administratori emërohet nga Asambleja e Përgjithshme e Ortakëve për një periudhë të pacaktuar deri në revokimin e tij nga Asambleja. Nëpërmjet këtij akti, emërohet Administrator Znj Alba Gina, qytetare shqiptare, lindur në Lushnjë më 14.4.1977, me banim në Tiranë, ADA


Ines Ajdini

Tower, Rruga Dervish Hima, Tiranë dhe me numër letërnjoftimi n. 1262114.


- 8.3. Administratori ka të drejtë të marrë të gjitha masat, personalisht ose duke i deleguar personave të tretë, për të ndjekur dhe kompletuar të gjitha procedurat për regjistrimin e Shoqërisë si person juridik pranë organit kompetent. Ai është i autorizuar të veprojë për llogari të Shoqërisë deri sa regjistrimi i saj pranë Gjykatës së Rrethit Tiranë të ketë përfunduar. Administratorit i jepen të gjitha të drejtat e administrimit, të zakonshëm e të jashtëzakonshëm, duke përfshirë edhe nënshkrimin dhe ekzekutimin e të gjitha akteve në emër dhe për llogari të shoqërisë.


Neni 9

- 9.1. Çdo mosmarrëveshje që lind ndërmjet ortakëve në lidhje me këtë marrëveshje apo Shoqërinë (përveç atyre personale apo që nuk kanë të bëjnë me Shoqërinë), do të zgjidhen me mirkuptim dhe do të diskutohen në mënyrë të drejtpërdrejtë ndërmjet palëve të interesuara.
- 9.2. Në rast se nuk arrihet në një zgjidhje miqësore të mosmarrëveshjes, ajo do t'i besohet Gjykatës së Rrethit Tiranë, përveç kur një nga ortakët vendos të kërkojë zgjidhjen e mosmarrëveshjes nga një trup arbitrash sipas procedurës së përcaktuar në Statut.

Lexuar, nënshkruar

Tiranë, më/4/2004.


Znj. Alba Gina


Znj. Ines Ajdini

REPUBLIKA E SHQIPËRISË
DHOMA E NOTERISË TIRANË

NR. 2279 REP.

NR. 706 KOL.

VËRTETIM

Sot më datë 22./4/2004, në Zyrën e Noterisë, përpara meje Noteres, Mimoza Sadushi, u paraqitën personalisht:

- Znj. Alba Gina, qytetare shqiptare, lindur në Lushnjë më 14.4.1977, me banim në Tiranë, ADA Tower, Rruga Dervish Hima, Tiranë dhe me pasaporte n. 1262114 dhe
- Znj. Ines Ajdini, lindur në Tiranë, me 31.5.1973, me vendbanim në Tiranë, Rr. Hil Mosi, nr. 3, me pasaporte n. Z0782484

me zotësi të plotë juridike e për të vepruar, përkatësisht në cilësinë e ortakeve themeluese të Shoqërisë "AGIA 2004" Sh.p.k. (në formim e sipër), për identitetin e të cilave u sigurova pasi verifikova dokumentat përkatës të identifikimit, të cilat, nënshkruan lirisht përpara meje Aktin e Themelimit të Shoqërisë "AGIA 2004", dhe unë Noterja e vërtetoj atë sipas ligjit.



NOTERE
Mimoza Sadushi

STATUT I
"AGIA 2004" SH.P.K.



Sot, më datë 22.4.2004, ne, të poshtëshënuarit:

- Znj. Alba Gina, qytetare shqiptar, lindur në Lushnje më 14.4.1977, me banim në Tiranë, ADA Tower, Rruga Dervish Hima, Tiranë dhe me pasaporte n. 1262114 dhe
- Znj. Ines Ajdini, qytetare shqiptare, lindur në Tiranë, me 31.5.1973, me vendbanim në Tiranë, Rr. Hil Mosi, nr. 3, me pasaporte n. Z0782484;

kemi vendosur të nënshkruajmë Statutin e mëposhtëm për themelimin e shoqërisë me përgjegjësi të kufizuar "AGIA 2004" Sh.p.k. (më poshtë referuar si "Shoqëria").

Kapitulli I
EMËRTIMI, OBJEKTI, SELIA, KOHËZGJATJA

Neni 1 - Forma

- 1.1. Shoqëria krijohet në formën e një shoqërie me përgjegjësi të kufizuar, dhe aktiviteti i saj rregullohet me anë të këtij Statuti dhe Aktit të Themelimit.
- 1.2. Shoqëria vepron sipas legjislacionit Shqiptar në fuqi.

Neni 2 - Emërtimi

Emërtimi i Shoqërisë është "Agia 2004" Sh.p.k.

Neni 3 - Objekti

- 3.1. Shoqëria ka për objekt importimin dhe eksportimin, prodhimin, përpunimin, transformimin dhe tregtimin e mallrave dhe pajisjeve të ndryshme të konsumit, pajisjeve eletronike, materialeve të ndertimit dhe mallrave ushqimore. Shoqëria ka për objekt gjithashtu edhe ndertimin, dhe shitblerjen e pasurive të paluajtshme duke u pajisur me licensat e nevojshme për këto qëllime nga organet kompetente.
- 3.2. Për këto qëllime, Shoqëria mund të blejë, hyjë në marrdhënie *leasing* dhe të marrë apo japë me qira terrene, impiante dhe uzina, mund të kryejë, përveç aktiviteteve tregtare edhe aktivitete si industriale ashtu edhe bujqësore. Për kryerjen e aktivitetit të saj, Shoqëria mund të kryejë çdo operacion tregtar, operacione që lidhen me pasuritë e luajtshme dhe të paluajtshme, financiare dhe kreditore si dhe të blejë apo shesë apo të marrë apo japë me qira pasuri, si dhe të ketë interesa apo pjesëmarrje në shoqëri, ente, konsorciume, të themeluara apo në


Ines Ajdini



themelim e sipër, që kanë një objekt të ngjashëm apo funksional në arritjen e qëllimeve të Shoqërisë, si dhe të ofrojë garanci, *fideiussione*, të marrë hua dhe ofrojë garanci, pasurore apo personale, në favor të të tretëve. Më në përgjithësi, Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të saj.

Neni 4 – Selia

- 4.1. Selia zyrtare e Shoqërisë ndodhet në ADA Tower, Rr. Dervish Hima, Tiranë.
- 4.2. Mbledhja e Jashtëzakonshme e Ortakëve mund të vendosë të transferojë selinë e Shoqërisë në një vend tjetër, apo mund të vendosë hapjen e filialeve, degëve dhe përfaqësive të Shoqërisë kudo brenda apo jashtë Republikës së Shqipërisë.

Neni 5 – Kohëzgjatja

- 5.1 Kohëzgjatja e aktivitetit të Shoqërisë do të jetë 10 (dhjete) vjet, duke filluar që prej datës së regjistrimit të saj në Rregjistrin e Shoqërive Tregtare të Gjykatës së Rrethit Tiranë dhe deri më 31.12.2014.
- 5.1 Shoqëria mund të përfundojë apo vihet në likuidim përpara këtij afati ose mund të zgjasë aktivitetin e saj me vendim të Asamblesë së Jashtëzakonshme të Ortakëve.


Neni 6 – Përgjegjësitë

- 6.1. Shoqëria nuk përgjigjet për detyrimet e marra për qëllime që nuk përputhen me ato të përcaktuara nga Statuti dhe Akti i Themelimit.
- 6.2. Shoqëria nuk përgjigjet për detyrimet e marra nga ortakët në emrin e tyre personal ndaj personave të tretë.

KAPITULLI II KAPITALI THEMELTAR

Neni 7 – Kapitali themeltar

- 7.1. Kapitali themeltar i Shoqërisë është 120.000 (njëqindenezetmijë) lekë.
- 7.2. Kapitali themeltar është i përbërë nga 120 (njëqindenezet) pjesë kapitali të gjitha të nënshkruara dhe të paguara, me vlerën prej 1,000 (njëmijë) lekë secila.



Neni 8 – Kontributet dhe pjesët e kapitalit

- 8.1. Derdhja e kapitalit themeltar është bërë në mënyrën e mëposhtme:
- Znj. Alba Gina ka derdhur në para shumën prej 80,000 (tetedhjetemijë) lekë, me anë të depozitimit të saj pranë noteres Mimoza Sadushi, siç vërtetohet prej certifikatës datë 22.4.2004;
 - Znj. Ines Ajdini ka derdhur në para shumën prej 40,000 (dyzetmijë) lekë, me anë të depozitimit të saj pranë noteres Mimoza Sadushi, siç vërtetohet prej certifikatës datë 22.4.2004;
- 8.1.1. Sipas kontributeve të cituara:
- Znj. Alba Gina i takojnë 80 (tetedhjetë) pjesë kapitali, të barabarta me 2/3 të kapitalit themeltar;
 - Znj. Ines Ajdini i takojnë 40 (dyzet) pjesë kapitali, të barabarta me 1/3 të kapitalit themeltar.

Neni 9 – Rritja e kapitalit themeltar


- 9.1. Asambleja e Jashtëzakonshme e Ortakëve mund të rrisë pa kufi kapitalin e Shoqërisë.
- 9.2. Në rast rritjeje të kapitalit, të gjithë ortakët kanë të drejtën të nënshkruajnë rritjen në raport me pjesët e kapitalit të zotëruara. Në rast se disa nga ortakët nuk e ushtrojnë këtë të drejtë, pjesët e tyre mund të nënshkruhen nga ortakët e tjerë proporcionalisht me pjesëmarrjen respektive si dhe në rast të mungesës së nënshkrimit, mund të nënshkruhen nga të tretët.

Neni 10 – Zvogëlimi i kapitalit themeltar

- 10.1. Shoqëria mund të reduktojë kapitalin themeltar me vendimin e Asamblesë së Jashtëzakonshme, me votën pro të ortakëve që zotërojnë të paktën $\frac{3}{4}$ (tre të katërtat) e kapitalit themeltar. Në çdo rast kapitali themeltar nuk mund të reduktohet nën kufijtë e parashikuar nga ligji.
- 10.2. Zvogëlimi i kapitalit përballohet prej secilit prej ortakëve në mënyrë proporcionale me pjesët e kapitalit të zotëruara.

Neni 11 – Transferimi i pjesëve të kapitalit dhe e drejta e parablerjes

- 11.1. Pjesët e kapitalit mund t'u transferohen të tretëve tërësisht ose pjesërisht, vetëm me vendimin e Asamblesë së Jashtëzakonshme të Ortakëve.


Ines Ajdini

- 11.2. Transferimi për çfarëdo arsyeje, tërësisht ose pjesërisht i pjesëve të kapitalit të Shoqërisë është subjekt i të drejtës së parablerjes në favor të ortakëve të tjerë, të cilët mund të ushtrojnë këtë të drejtë në raport me pjesët e tyre të kapitalit, brenda 30 (tridhjetë) ditësh nga marrja e njoftimit të dërguar me letër rekomande, i cili përmban ofertën. Në rast se ortakët e tjerë nuk përgjigjen brenda afatit të parashikuar, konsiderohet se kanë hequr dorë prej të drejtës së parablerjes.
- 11.3. Në rast se njëri prej ortakëve refuzon apo heq dorë nga ushtrimi i të drejtës së tij të parablerjes, ortakët e tjerë, të cilët tashmë kanë ushtruar të drejtën e tyre të parablerjes, mund ta ripërdorin këtë të drejtë edhe për pjesën e ofruar ortakut që e refuzoi atë.
- 11.4. Në rast se më shumë se një ortak dëshirojnë të ripërdorin të drejtën e parablerjes, pjesët e kapitalit të ofruara ortakut që nuk dëshiron ta ushtronte të drejtën e tij, ndahen në proporcion me pjesët e kapitalit respektiv.
- 11.5. Në rast se vetëm njëri prej ortakëve dëshiron ta ushtrojë të drejtën e parablerjes, pjesa e kapitalit të ofruar i transferohet atij tërësisht ose në atë masë që ky ortak dëshiron.
- 11.6. Për këtë qëllim, ortakët që dëshirojnë të ripërdorin të drejtën e tyre të parablerjes duhet t'i njoftojnë vendimin e tyre ortakut që dëshiron të transferojë pjesët e tij të kapitalit brenda 15 (pesëmbëdhjetë) ditësh që prej marrjes së lajmit për mos ushtrimin e së drejtës së parablerjes prej ndonjërit prej ortakëve.
- 11.7. Të gjitha njoftimet e sipërpërmendura do të bëhen me shkrim dhe i adresohen Administratorit të Shoqërisë.

KAPITULLI III

ASAMBLEJA E ORTAKËVE, ADMINISTRATORI, KONTROLLI

Neni 12 -Të drejtat e pjesëmarrjes dhe votimit

- 12.1. Çdo ortak ka të drejtë të marrë pjesë në Asamble, të paraqesë mendimin e vet dhe të japë aq vota sa pjesë të kapitali themeltar zotëron.
- 12.2. Çdo ortak ka të drejtë të caktojë me një prokurë të shkruar një përfaqësues, në Asamble.
- 12.3. Ortaku nuk mund të delegojë të drejtën për të votuar për një pjesë të kapitalit të tij, nëse voton personalisht për tjetrën.

[Signature]
Imetjdonu

Neni 13 - Thirrja e Asamblesë së Ortakëve

- 13.1. Asambleja e Zakonshme e Ortakëve thirret një herë në vit brenda 6 (gjashtë) muajsh nga mbyllja e vitit për miratimin e bilancit, të relacioneve të Administratorit dhe të ekspertit kontabël (nëse është emëruar), veç inventarit.
- 13.2. Asambleja duhet të thirret nga Administratori nëpërmjet njoftimit me letër rekomande apo faks, që duhet t'u dërgohet ortakëve në adresat e dhëna Shoqërisë, dhe ekspertit kontabël (nëse është emëruar), të paktën 30 (tridhjetë) ditë përpara mbledhjes së Asamblesë. Thirrja duhet të përmbajë informacion mbi llojin e Asamblesë, mbi çështjet për t'u trajtuar dhe për t'u vendosur, mbi vendin, orën dhe datën e thirrjes së parë dhe të dytë.
- 13.3. Asambleja do të quhet e thirrur rregullisht, edhe pa respektuar këto formalitete, nëse marrin pjesë apo janë të përfaqësuar të gjithë ortakët apo përfaqësuesit e tyre, Administratori dhe eksperti kontabël (nëse është emëruar).
- 13.4. Asambleja e Zakonshme e Ortakëve vendos mbi të gjitha çështjet që nuk vendosen nga Asambleja e Jashtëzakonshme dhe në veçanti për sa vijon:
- emërimin apo zëvendësimin e Administratorit dhe ekspertit kontabël të autorizuar (nëse është emëruar);
 - miratimin e planeve të prodhimit, organizimit, zhvillimit të aktivitetit, buxhetit, llogarive vjetore, relacioneve të administratorit dhe ekspertëve kontabël të autorizuar, dhe inventarin;
 - shpërndarjen e fitimeve;
 - marrjen e financimeve dhe kryerjen e investimeve.
- 13.5. Asambleja e Zakonshme quhet e mbledhur rregullisht dhe mund të marrë vendime nëse janë të pranishëm ortakët që përfaqësojnë më shumë se 50% (pesëdhjetë përqind) të kapitalit.
- 13.6. Nëse mungon quorumi i pjesëmarrësve, Asambleja duhet të thirret për herë të dytë, dhe edhe kete here duhet të vendosë me të paktën 50% (pesëdhjetë përqind) të kapitalit themeltar pro.
- 13.7. Asambleja e Jashtëzakonshme quhet e mbledhur rregullisht dhe mund të marrë vendime në mbledhjen e parë dhe të dytë me votimin e ortakëve që përfaqësojnë të paktën $\frac{3}{4}$ (tre të katërtat) e kapitalit.
- 13.8. Asambleja e Jashtëzakonshme, vendos mbi:
- ndryshimet e aktit të themelimit dhe të statutit;


Investidimi

- formimin e filialeve, degëve dhe përfaqësive jashtë shtetit;
- rritjen apo zvogëlimin e kapitalit themeltar;
- ndryshimet në objekt dhe mbi blerjen e pjesëve të kapitalit në shoqëri të tjera;
- transferimin e pjesëve të kapitalit themeltar;
- emërimin dhe shkarkimin e likuidatorëve.

13.9. Asambleja cakton një kryetar për secilën mbledhje nga ortakët apo person i tretë.

13.10. Vendimet e Asamblesë duhet të shkruhen në procesverbal, i cili nënshkruhet nga Kryetari i Asamblesë dhe nga Sekretari. Në procesverbal duhet të përfshihen të përmbledhura, me kërkesën e ortakëve, edhe deklaratat e tyre.

Neni 14 – Administrimi

14.1. Shoqëria administrohet nga 1 (një) Administrator, qoftë edhe jo ortak, i cili do të emërohet apo shkarkohet nga Asambleja e Zakonshme. Administratori emërohet nga Asambleja e Përgjithshme e Ortakëve për një kohëzgjatje pacaktuar ose për kohëzgjatjen e treguar në aktin e emerimit.

14.2. Administratori përfaqëson Shoqërinë tek të tretët dhe ka të gjitha kompetencat, e zakonshme me qëllim që të arrijë realizimin e objektit të Shoqërisë.

14.3. Administratori nuk mund të kryje pa miratimin e Asamblese së Zakonshme

- Lidhje kontratash që kalojnë shumën prej Usd 50,000 (pesëdhjetëmijë) në një kontratë të vetme dhe shumën Usd 20,000 (njëzetmijë) për një muaj;
- Lenie peng ose hipoteke të pasurive të shoqërisë;
- Shit-blerje pasurish të paluajtshme në pronësi të shoqërisë.

Neni 15 – Eksperti kontabël i Autorizuar

15.1. Nëse është e nevojshme ose kërkohet nga ligji, kontrolli i bilancit financiar dhe i librave të kontabilitetit të Shoqërisë do t'i besohet një eksperti kontabël, i emëruar për një periudhë 3 (tre) vjeçare me mundësinë për tu rizgjedhur për një periudhë tjetër nga Asambleja e Zakonshme.


Investidura

- 15.2. Eksperti kontabël i autorizuar mund të shkarkohet me të njëjtën procedurë.

KAPITULLI IV

VITI FINANCIAR, BILANCI VJETOR, SHPËRNDARJA E FITIMEVE

Neni 16 – Viti financiar dhe bilanci vjetor

- 16.1. Viti financiar fillon më 1 janar dhe mbaron më 31 dhjetor të secilit vit.
- 16.2. Viti i parë financiar fillon në datën e regjistrimit të Shoqërisë në Regjistrin Tregtar të Gjykatës së Rrethit Tiranë dhe përfundon më 31 dhjetor të të njëjtit vit.
- 16.3. Bilancet vjetore, inventari, relacionet e Administratorit dhe ekspertit kontabël të autorizuar (nëse është emëruar) miratohen nga Asambleja me shumicën e ortakëve që përfaqësojnë më tepër se 50% (pesëdhjetë përqind) të kapitalit themeltar.
- 16.4. Miratimi i dokumentave që lidhen me vitin financiar duhet të bëhet brenda 6 (gjashtë) muajve që nga fundi i vitit financiar.

Neni 17 – Fitimet


- 17.1. Fitimet që rezultojnë nga bilanci vjetor, duke zbritur 5% (pesë përqind) që caktohen për rezervën ligjore deri në 10% (dhjetë përqind) e kapitalit themeltar, dhe duke zbritur gjithashtu të gjitha shumatat që Asambleja vendos t'i vërë mënjane, u shpërndahen ortakëve në proporcion me pjesët e kapitalit themeltar të zotëruara.
- 17.2. Asambleja mund të vendosë edhe zbritje speciale në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, në shërbimet e mëposhtme.

KAPITULLI V

SHPËRNDARJA DHE LIKUJDIMI I SHOQËRISË

Neni 18 – Shpërndarja

- 18.1. Shoqëria shpërndahet me përfundimin e afatit të parashikuar nga Statuti, ose përpara përfundimit në rastet e parashikuara nga ligji, ose me anë të një vendimi të Asamblesë së Jashtëzakonshme të ortakëve.
- 18.2. Shoqëria nuk shpërndahet në rast të humbjes së zotësisë për të vepruar, pazotësisë juridike, vdekjes, ose falimentimit të Ortakëve.


Ines Jidini

Neni 19 - Likuidimi

- 19.1. Në rast shpërndarje, Shoqëria duhet të likuidohet.
- 19.2. Për të administruar këtë procedurë, Asambleja emëron një ose më shumë likuidatorë, të cilët paraqesin relacionet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3. Me përfundimin e procedurës së likuidimit, Asambleja do të vendosë, me shumicën e ortakëve që nevojitet par Mbledhjet e Jashtëzakonshme, mbi miratimin e bilancit financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4. Pas pagesës së kreditorëve dhe mbledhjes së kredive të jashtëzakonshme, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

Neni 20 - Transformimi i shoqërisë

Shoqëria mund të shndërrohet në shoqëri kolektive ose në shoqëri komandite vetëm me miratimin unanim të ortakëve, ndërsa mund të shndërrohet në shoqëri aksionere me miratimin e shumicës së ortakëve që mbajnë më shumë se $\frac{3}{4}$ (tre të katërtat) e pjesëve të kapitalit themeltar.

Neni 21 - Zgjidhja e mosmarrëveshjeve

- 21.1. Të gjitha mosmarrëveshjet që mund të lindin në lidhje me interpretimin dhe/ose zbatimin e kësaj marrëveshje, si edhe ato që mund të lindin midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen me mirkuptim dhe do të diskutohen në mënyrë të drejtpërdrejtë ndërmjet palëve të interesuara.
- 21.2. Në rast se nuk arrihet në një zgjidhje me mirkuptim të mosmarrëveshjes, ajo do t'i besohet Gjykatës së Rrethit Tiranë.

Lexuar dhe nënshkruar

Tiranë, më 22.4.2004

Alba Gina

Znj. Alba Gina



Ines Ajdini Investidore

Znj. Ines Ajdini

REPUBLIKA E SHQIPËRISË
DHOMA E NOTERISË TIRANË

NR. 2280 REP.

NR. 707 KOL.

VËRTETIM

Sot më datë 22.04/2021 në Zyrën e Noterisë, përpara meje Noteres, Mimoza Sadushi, u paraqitën personalisht:

- Znj. Alba Gina, qytetare shqiptare, lindur në Lushnjë më 14.4.1977, me banim në Tiranë, ADA Tower, Rruga Dervish Hima, Tiranë dhe me pasaporte n. 1262114 dhe
- Znj. Ines Ajdini, lindur në Tiranë, me 31.5.1973, me vendbanim në Tiranë, Rr. Hil Mosi, nr. 3, me pasaporte n. Z0782484

me zotësi të plotë juridike e për të vepruar, përkatësisht në cilësinë e ortakëve themeluesë të Shoqërisë "AGIA 2004" Sh.p.k. (në formim e sipër), për identitetin e të cilave u sigurova pasi verifikova dokumentat përkatës të identifikimit, të cilat, nënshkruan lirisht përpara meje Statutin e Shoqërisë "AGIA 2004", dhe unë Noterja e vërtetoj atë sipas ligjit.



NOTERE
Mimoza Sadushi